



Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmansdorff ad
Laitam Bonus Ordo Triplicis Formatæ Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

Concio Secunda. Textus: Domine quinque talenta tradidisti mihi, ecce alia.
&c. Thema: Eleemosyna cuvis obvio pauperi data, à Deo prœmiatur.

[urn:nbn:de:hbz:466:1-51763](#)

IN FESTO S. NICOLAI.

CONCIO SECUNDA.

Textus. Domine! quinque talenta tradidisti mihi, ecce alia quinq;
superlucratus sum. Matth. 25,

Thema. Eleemosyna cuivis obvio pauperi data, pla-
cet Deo, illamque largiter prœmiat.

Exordium.



Hema meum allegatum ipse unigenitus Dei filius te-
stare voluit; Matth. cap. 12. Quicunque potum dede-
rit uni ex minimis istis calicem aqua frigida tantum in
nomine discipuli, amen dico vobis, non perdet mercedem
suam. Sæpius etiam eleemosynæ meritum in Scri-

*Textus Sa-
cra Script-
urae.* ptura deprædicatur. Fiducia magna erit coram Deo eleemosyna,
omnibus facientibus eam: Tobie cap. 4. Fæneratur Domino, qui
miseretur pauperis, & vicissitudinem suam reddet: inquit Salomon.
Prov. cap. 19. & iterum cap. 22. Benedicetur, de panibus enim suis
dedit pauperi. Et iterum, 28. cap. Qui dat pauperi, non indigebit.
Date, inquit aeterna Veritas, & dabitur vobis, mensuram bonam,
& confertam, & congitatam, & superfluentem dabunt in suum
vestrum. Luc. cap. 6. Patres audiamus: Facundus est ager paupe-
rum, citore reddit donantibus fructum, via caeli est pauper, per quam
venitur ad Patrem, incipe ergo erogare, si non vis errare. Hortatur,
S. Augustini. & scribit S. August. serm. 25. de verb. Domini. Et iterum in epiftola:
Si vis esse bonus mercator, fænerator egregius, da, quod non potes
retinere, ut accipias, quod non potes amittere, da modicum, ut reci-
*S. Gregorii
Papa.* pias centuplum, da temporalem possessionem, ut consequaris aet-
ernam hereditatem. Consulte S. Greg. in Reg. Quidquid tribuitur
pauperi, si subrili consideratione pensatur, non est donum, sed mu-
tuum, quia, quod datur, multiplicato fructu sine dubio percipitur.
S. Chrysostomo. Egredie S. Chrysostomus serm. super illud: Nolite thesi. Melius ser-
vatur pecunia, que in dextera pauperis collocatur, hanc calumnia-
tor non extorquet, invidus non criminatur, latro non aufert, sur-
no-

CONCIO SECUNDA.

7

nocturnus non diripit, servus fugam meditans non invadit, sed semper est tuta, semper integra, semper salva. Et hom. de jejun. & eleemos. Manus pauperis est Abrahæ sinus, ubi quidquid pauper accipit, mox reponit, cæli thesaurus est manus pauperis, quod suscipit, ne in terra pereat, reponit in calum, &c. da ergo pauperi, ut des tibi, quia quidquid pauperi dederis, tu habebis. S. Antonius Paduanus in s. Antoniu cap. jejunium scribit: Eleemosyna non solum anima confert mediet. Paduanu. nam, verum etiam tempore lucrum procurat. Per pulchrè S. Ambrosius serm. 67. c. 5. Eleemosynam faciens, ipse proficit, qui largi- s. Ambro- tur; Aurea sunt verba Petri Chrysologi serm. 14. Quod Abel passus suis. sit, quod servaverit mundum Nœ, quod Abraham fidem suscepit, quod Moses legem tulit, quod Petrus crucem resupinus ascendit, s. Petrus Chrysologus. Deus facit, & hoc clamat solum: Quod comedit pauper, in caelo pri- ma est esurientis annona, prima stipendia pauperis tractantur, ero- gatio pauperis prima divinis scribitur in diurnis. Per pulchra est sententia S. Bonaventura tom. 6. in diæt. salut. tit. 11. Eleemosy- s. Bon- naramis arborum similes sunt, sicut enim arbor, ramus superfluis præ- ventura- cisis, melius fructificat, sic qui de proprio eleemosynam facit, Domi- nus residuum multiplicar magis. Implorata S. Spiritus gratia de- super Conceptus pandam.

CONCEPTUS I.

Levitici cap. 25. præcipiebat Dominus Deus terræ cultoribus, agrorum ac fatorum Dominis, ut sex annis fructus colligerent, septimo vero anno nil de terræ præventibus, & agrorum fructibus perciperent, sed omnia sata, & fructus pauperibus relinquerent; ita textus: *Sex annis seres agrum ruum, & sex annis putabis vi- neam tuam, colligesque fructus ejus, septimo autem anno Sabatham erit terræ requietionis Domini.* Agrum non seres, & vineam non putabis: quæ sponte gignet humus non metes: & uvas primitia- rum tuarum non colliges, sed erunt vobis in cibum, & adve- nœ, qui peregrinantur apud te. Notare libeat verba textus: & ad- vena, qui peregrinantur apud te. Præcipitur Oeconomis, ut septi- mo anno nil de fructibus colligant, & tamen promittit Deus: Erunt vobis in cibum, tibi, & servotuo, & ancille, & mercenario tuo, jumentis tuis, & pecoribus. Septimo anno de fructibus nil colligere licuit, sed omnes pauperum usui relinquere præceptum erat,

erat, & tamen larga sustentatio domus à Deo promittitur, & subm inistrabatur, ut noscamus, eleemosynariis, misericordibus erga pauperes nil unquam de mediis necessariis defuturum, Deum mirabiliter iis provisurum. *Si panem das, hunc habes solum,* inquit S. Chrysologus: Frumenta pauperibus erogata in propria horrea securissimè reponuntur; quæ pauperibus offeruntur, indeficienter permanent, & rehabentur cum ingenti lucro. *Quod David Ps. 111. indicat.*

CONCEPTUS II.

Dispersit, dedit pauperibus, justitia ejus manet in seculum seculi. Optimè dicit David, eleemosynarium dando pauperibus dispergere: cur dispergere? explico me praxi agricultaræ: Bonus cœconomus in agrum granum dispergit, & ecce pro uno grano disperso, colligit 10. & plura: Videmus puteum vel fontem aquas largissimè dispergere, & quod plus aquarum dispergit fons, eò copiosiores, limpidiores aquæ affluunt; puteus magis haustus, magis abundat. Dicendo ergo regius Psalmes, eleemosynarium, quæ pauperi dat, dispergere, alludit ad naturam seminantis grana, & putei aquas largè profundentis; ut sicut granum in agrum sparsum in decuplo redditur, aquæ haustæ redeunt abundantiores, ita quod pauperi datur, Deus decuplo abundantius reddit, atque refundit; est hic conceptus Sancti Chrysostomi ita concludentis: *disperguntur, que non manent, & acquiruntur manentia.* Accommodè quoque S. Clemens Alexandrinus lib. 3. pædag. c. 7. in cap. 4. Cantic. *Quemadmodum quicunque putei scaturiunt, exhausti in pristinam mensuram revertuntur, ita etiam elargitio, que est bonus fons benignitatis, potum sicutientibus communicans, rursus augetur; & repletur.* Nunquam enim sine speciali incremento donata egentibus bona non revertuntur: *Pietatis promptuarium, locupletum est ararium;* inquit Nazianz. orat. pro S. Basilio.

CONCEPTUS III.

David Psalmo 80. testatur, quomodo Deus Hebræos divitiarum copiis nobilitaverit, frumenti adipe; mellis ac lacis suavitate nutritiverit: *Cibavit eos ex adipe frumenti, & de petra mellis satiavit eos,* causalem tantæ abundantiae adscribit Philo Hebræus lib. de cha-

charitate; nempe eleemosynæ, ac benignitati Iudeorum erga pauperes: patet ex lib. Levit. cap. 19. Ubi DEUS hoc præceptum Iudeis dedit: *Cum messueris segetes terræ tue, non tonderebis usque ad solum superficiem terræ, nec remanentes Spicas colliges, neque in Vinea tua racemos, & grana decidentia congregabis, sed pauperibus & peregrinis carpenda dimittes.* Ex hoc præcepto eleemosynæ, & benignitatis erga pauperes à Iudeis fideliter impleto, inquit Philo, crevit Iudeis tanta benedictio, & divitiarum copia, ut eos DEUS adipe frumenti, suavitate mellis pasceret, audiatur Philo: *Vetat colligi spicas ex manipulis prolapsas, simul divitibus consulens, ut asservant suacommunicare liberaliter:* Notare libeat verba: *Divitibus consulens:* quasi opportunior sit ad incrementandas divitias exhibita pauperibus eleemosyna, quam grana fundis aratro proscissis commissa; granum namquæ terræ commendatum multis indiget, ut in culmum surgat, & serenti tributum solvat, scilicet tempestivis ventorum flatibus, benignis stellarum influxibus, opportunis pluviarum imbribus, & temperatis solis ardoribus; at eleemosyna, cum Deum sibi debitorem habeat, omnem intemperiem frustratur, & misericordia misericordiam nanciscitur. Perorat perdoctè Naxera commentario in Judic. cap. 17. §. 55.

CONCEPTUS IV.

Sequentem se turmam hominum Christus desiderat saturare: Apostoli 7. Panes offerunt, quos per Apostolos mandat populo distribui. *Accepit septem panes, gratias agens fregit, & dabat discipulis suis, ut apponenterent, & apposuerunt, Turba.* Marci cap. 8. Notat hinc S. Chrysostomus in Catena, hos septem panes penu Apostolorum fuisse: Verba Sancti sic sonant; *Dicamus autem hic, qui voluptati attendimus, quæ comedebant mirabiles illi viri, & magni.* Panes ergo proprios, & suos, Apostoli, Turbæ esurienti benignè cesserunt, ac manibus propriis elargiti sunt: *Apposuerunt Turba.* Populo nunc numero 7. millium satiato vadunt Apostoli fragmenta colligere; *Et sustulerunt quod superaverat de fragmētus 7. sportas:* Notate: iidem Apostoli, qui 7. suos panes pauperibus largiti sunt, septem sportas, septies plus, quam de pane apposuerunt, collegerunt; ut videas, quantis incrementis redeat ad

B

dilar-

dilargientem, indigenti præstum, & misericorditer dilargitum: per p[ro]p[ter]e ch[rist]i desuper Naxera in Excursus morales lib. 1. Regum. cap. 25. part. 11. §. 19. Superesse tantam reliquiarum copiam non solum fuit ad evidens potentiae Dominicæ testimonium, sed ad reddendum eleemosynæ debitum, nam eleemosyna est ingenium incrementandi divitias, & compendium promerendi benedictiones copiosas. Concludit Conceptum hunc S. Augustinus Epist. 122. *Officium impertiendi, meritum erit accipiendi.* Hoc indicant Verba Abigail, 1. Regum cap. 25.

CONCEPTUS V.

David misit nuncios ad Nabal, ut dignaretur sibi, ac suis victuallia administrare, quodcumque invenerit manus tua, da servis tuis. Conjunx Nabal, Abigail, postulata à Davide intelligens, ait: *Ecce David misit nuncios de deserbo, ut benedicent Domino nostro.* Abigail petitionem Davidis, vocat benedictionem: petitio Davidis erat eleemosynæ; Abigail, eleemosynam dicit benedictionem; quasi fortunam optimam, rerum copiam, & abundantiam, penes pacem, sanitatem, incolumitatem Abigail eleemosynario prædictit: Ita concludit Abulensis quest. 6. *Dicuntur isti benedicere, quia quando petunt, imprecantur bona, si fratribus meis & tibi pax, & domini tuae pax, & omnibus, quecunque habes, sit pax.*

CONCEPTUS VI.

Eccles. cap. 11. monet: *Da partem septem, nec non & octo, quia ignoras, quid futurum sit mali super terram.* Quia ignorat homo, quid mali super terram eventurum sit hortatur Salomon, largiter dare: contrarium suadet mundus, quia ignorat homo quid mali, quæ pénuria, caritas annonæ, quæ miseria, infortunia ingruere possint, opes congreget, nummos reservet, substantiam augeat, unde in malo ingruenti vivat, & in adversa fortuna se tueatur. Aliter Salomon præcipit: Nempe hominem sibi optimè consule, ut ei non desint media in necessitate, liberaliter quæ habet, quæ possidet, elargiatur, distribuat. *Da partem 7. nec non & 8.*

& 8. concludit Lyranus: *Quia ignoras quid futurum sit malum,
& ab illo liberari possis per opera pietatis impensa indigentibus.
Vis, ne unquam media tibi desint, da pauperi, vis censem aug-
re, & in futura calamitate tibi optimè providere, pauperum mi-
serere.*

CONCEPTUS VII.

Canticorum cap.4. Dilectus variè describit Sponsam suam, dicit illam *fontem signatum*, seu clausum, & ut fons clausus est, nihil ei elogii ubertatis adscribit: iterum dicit, Sponsam esse fontem apertum, fontem hortorum, puteum aquarum salientium, & continuo miram abundantiam ac ubertatem ei adne&fit: *Fons
hortorum, puteus aquarum viventium, que fluunt impetu de
Libano*: desuper S. Gregorius: *Copiosus ditescit puteus, dum
impertit.* Quo noveris esse ingenium ad augendas divitias, laudabili largitate impertire, & indigentiae pauperum ministrare, qui egentis levat miseriam, salutis, & temporalium bonorum sibi adauget copiam.

CONCEPTUS VIII.

Psalmista Regius signatè liberalitatem DEI erga corvos deprædicat. Psal. 145. *Qui dat jumentis escam ipsorum, & pullis corvorum
invocantibus eum.* Naxera commentatur: Illa invocatio non tam videtur petere, quam sibi debita alimenta jure quadam exigere. Unde corvus jus ad Dei largitatem acquisivit? Causalem allegat Euthymius: *Dicunt aliqui, quod cum ille, qui summa bo-
nitatis est fons, justam Eliæ Prophetæ in Judeos indignationem
mollire cuperet, famem induxit, ut satietatis fructus castigaret,
& illum preparavit nutrire corvo.* Scripturâ teste: 1. Regum 17. *Corvi quoque deferebant ei panem & carnes manū, similiter panem,
& carnes vesperi.* Corvi alebant pauperem Eliam in deserto, hoc est Jus quæsumum ad DEI largitatem, cum Elias à corvis fuerit alitus, corvus præ cœteris volucribus exegit, quæ Dei famu-

B 2

lo præ

lo præ cœteris alimenta impertivit. Solvere namquæ DÉLIS tene-
tur, quod pauperibus impertitur.

Epilogus.

Hortor ergo omnes cum Tobia: c. 4. *Quomodo poteris, sic esto mi-
sericors, si multum tibi fuerit, abundantē tribue, si exiguum, libenter
impertiri stude; præmium enim bonum tibi thesaurizas in die neces-
sitatis, quantam eleemosyna ab omni peccato, & morte liberat, & non
patietur animam ire in tenebras. Fiducia magna erit cor am
summo DEO eleemosyna omnibus facientibus
eam. Amen.*



IN